

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Complectens ea quæ ad Sacmenta & mores pertinent

Abelly, Louis

Coloniæ Agrippinæ, 1659

§. I. Quid juris. Quid justitia nomine intelligendum sit.

urn:nbn:de:hbz:466:1-38979

ex illis aditurus est. Et haec est communis sententia Doctorum, paucis exceptis, quorum opinionem ut minus probabilem & tutam merito rejecit Lessius supra dub. 6.

SECTIO VII.

Explicatur septimum Decalogi preceptum.

Non furaberis.

CVM hoc septimo precepto (ut observat Catech. Rom. Part. 3. c. 8.) Deus in tutelam veluti suam bona nostra extera suscepit; ita ut nullus ea iniuste suriperet aut invitis nobis detinere possit, quin iniuria illa in ipsum etiam Deum refundatur, ac obedientia illi debita violetur: hinc patet quanti facienda sit huius precepti observatio, & quo studio illius obligationes omnes perelligande sint, praetertim cum innumeris prope modis inilud peccetur. Utigitur majori cum iure in illius explicazione procedamus, ipsius juris ac iustitiae principia breviter consideranda nobis sunt, ut ex illis postea rationes omnes, quibus erga proximi bona obstringimus, enucleatione cognoscamus.

s. I.

Quid Iuris, quid iustitiae nomine intelligendum sit.

NOmen Iuris (ut illius varias & multiplices acceptiones omittamus) in duplice praesertim significacione sumi solet. Primo pro lege tam naturali quam politica, sive divina sive humana, quo sensu dicimus e.g. patribus honorem deferre, esse de iure naturali; Sacramenta Baptismi recipere, esse de jure divino positivo: eo etiam sensu

senſu legum & ſanctionum Eccleſiaſticarum Collectio-
nem juris Canoni ci nomine indigitamus. Secundò ſum-
itur pro facultate illa ſeu potestate legitima, quam quis ha-
bet ad rem aliquam obtinendam aut retinendam, vel ad
aliquid faciendum, ita ut ab illius rei obtentione aut re-
tinendam, vel ad aliquid faciendum, ita ut ab illius rei
obtentione aut retentione, vel ab illa actione facienda
impediri licet non poſlit.

Similiter iuſtitia nomen duobus potiſſimum modis
accipit. Primo pro virtute quadam generali, quam S.
Anſel. Dialog. de verit. c. 13, vocat Reſtitutio[n]em voluntati:
quo ſenſu virtutes omnes in ſe complectitur, & pro illis
ſive generatim ſive ſpeciatim ſignificandis plerumque in
Scriptura ponitur, ut Matth. 5. Beati qui eſuriunt & tibiunt
juſtitiam. & cap. 6. Attendite, ne juſtitiam veſtram faciatu-
ram hominibus, ut videamini ab eis.

Secundo pro virtute particulaři, quæ à S. Doctore 22. q.
58. a. 1. & à Iurisconsultis communiter definitur: Conſans
& perpetua voluntas iuſ ſuum unicuique tribuendi: quoru[m]
verborum ſenſus eſt juſtitiam eſſe virtutem, qua inclinat
& firmat voluntatem ad tribuendum unicuique quod
ſuum eſt: qua in acceptione una eſt ex quatuor illis virtu-
tibus, quæ à S. Ambr. in c. 6. S. Lúcae vocantur Cardinales, e[st]o
quod fint aliarum virtutum tanquam cardines, ita ut ſicut
oſtium in cardine, ſi (urioquitur S. Greg. Lib. 2. moral. c.
36.) Omnis honesta vita ratio, & universa boni operis ſtructura,
illu inniti quodammodo videatur.

Dividitur autem juſtitia à S. Doctore q. 61. a. 1. in com-
mutativam & diſtributivam. Juſtitia diſtributiva illa eſt,
qua dividit & diſtribuit munera, officia, onera, bona, & al-
lia ſimilia communitatis alicujus propria ſecundūm pro-
portionem quam vocant Geometricam: id eſt, conſide-
rando non ſolum valorem & quantitatēm bonorum illo-
rum aut onerum, &c. ſed etiam personarum cōditionem,
idoneitatem, merita, &c. Commutativa verò illa eſt, qua
conſtituit aequalitatem inter personas particulares ſecun-
dūm proportionem arithmeticam: id eſt, conſiderando
ſolum valorem, vel quantitatēm rerum ſine ullo leſpectu

ad personas: v. g. mutuatus est aliquis centum aureos
qualiscunque sit dives an pauper, nobilis an ignobilis,
bet centum aureos reddere.

§. II.

Quid sit ius ad rem, & ius in re.

CELEBRIS illa divisio juris, quæ à Theologis & Iurisperitoribus tractatur, lucem dabit variis difficultatibus circumstanciis. hujus præcepti violationem occurrentibus, ideoq; nobis prætermitti non debuit. Ius igitur ad rem est illud, quod habetur per alicuius contractus stipulationem, per donationem, emptionem, &c. antequam illius rei, quod donata vel empta est, traditio fiat. Ius in re est illud, quod per ipsam rei traditionem acquiritur.

Hæc est autem utriusq; differentia, quod jus in re faciat illam propriam eius qui acquisivit, ut quoconque loco sit, & in cujuscunque manus pervenerit, facultatem habeat, eam ubicunq; repererit recipiendi, & à quoconque repetendi; obligeturque ex justitia eam ei restituere, quis acceperit. Ius verò ad rem non tribuet facultatem jussimodi in ipsam rem, sed solummodo titulum justum, aptum ad habendum illius rei dominum: e.g. quis emet equum ab altero, illiusq; pretium solvit; si equus ille nondum ei à venditore traditus sit, habet tantum jus ad illum equum, non verò in illo: unde si vendor fraudulentem undem equum alteri vendat, & tradat, primus emptor potest ab illo altero equum repetere; sed agere tantum potest in venditorem, ut pretium restituat, sibi que præter se per solvat quantum sua intererat, contractum illius versionis antea celebratum firmum & ad plenum effectum perducere: contrà si equus ille venditus, sed nondum traditus, moriatur aut furto abducatur, vendori perit & emptori.

Ex quibus intelligi potest quid sibi velint leges civiles, dum dicunt, ei, qui habet jus in re, competere actiones.